

通義堂文集

通義堂文集卷五

儀徵劉毓崧著

吳興劉承幹校

校刻漢書凡例

一文淵閣本漢書較武英殿本漢書考證加詳其

纂修官爲邵二雲學士

提要亦出其手
見南江文鈔

學士深於史學

所校甚精今茲議刻漢書意在博考各家則閣本尤

當首列雖巨帙傳抄不易而四庫全書考證向有刻

本流行閣本與殿本異同尙可見其大畧亟宜登

載以定折衷

一荀氏漢紀雖改紀傳爲編年而根柢實在漢書所據

之本猶是漢時舊帙

巽巖李氏云資治通鑑書月皆舍班而從荀蓋以悅修紀時猶未訛

舛而君蘭君簡端瑞興譽寬竟等字猶兩存之疑以傳疑先儒蓋慎之也

所當取校以存古

本之遺

一類書中時代近古者如北堂書鈔藝文類聚初學記

之類所引漢書皆唐以前舊本太平御覽雖時代較後

然其書多取材於北齊修文殿御覽

直齋書錄解題載修文殿御覽三百

六十卷是南宋末年猶存也陳氏謂太平御覽本於此書蓋確有所見矣

所引漢書容有六

朝舊本所當取校以溯宋本之源

一冊府元龜作於宋真宗景德祥符之際其敘事依據

正史西漢一朝大都出自漢書

小注亦採漢書顏注且有標明應劭孟康諸舊

注者真北宋初年之本諸家所列宋本皆在其後

楊侃兩漢博聞

亦作於景德間

所當取校以從宋本之朔

一林鉞漢雋作於南宋初年婁機班馬字類徐天麟西

漢會要

其書取漢時典章制度見於漢書紀表志傳者以類相從分門編載

皆作於南宋

中葉其所見漢書皆兩宋舊本所當取校以擇宋本之長

一史記敘漢初事爲漢書所本通鑑敘漢時事多本於

漢書

王益之西漢年紀亦然

推之集解索隱正義以及倪思班馬

異同胡三省通鑑注凡與漢書有關者所當取校以考

各本之異

一文選所錄西漢人文或採漢書或採本集其字句均

可參稽

漢文紀亦然

他如賈長沙董江都司馬長卿揚子雲

諸集其文載入漢書者所當取校以定各本之殊

一各書紀載可印證漢書者經學如韓詩外傳春秋繁

露之類小學如急就篇方言之類正史如後漢書之類

別史如東觀漢紀之類地理如三輔皇圖水經注之類

政書如漢官儀通典之類金石如隸釋隸續之類儒家

如新書鹽鐵論說苑新序之類術數家如京氏易傳焦

氏易林之類雜家如淮南子之類

畧舉十門餘可類推

所當參校

以求原本之真

一前代校漢書者小宋三劉以外莫著於吳氏之兩漢刊誤補遺近時校漢書者錢氏考異拾遺以外莫著於

王氏之商榷

蛾術編
亦然

若夫羣書考證涉及漢書者後漢

人如論衡獨斷等書六朝人如顏氏家訓等書唐人如史通等書宋人如夢溪筆談容齋隨筆野客叢書困學紀聞等書明人如丹鉛總錄等書 國朝人如日知錄等書所當詳校以正今本之誤

一漢書紀表志傳往往不同或傳寫有訛則可依他卷以更本卷或根源各異則難據此篇以考彼篇

漢書雖
出一家

究非一手且所採亦非一書觀其會通無庸執一所當互校以免紛

岐

一 殿本漢書考證各條分標名氏蓋仿宋人校刻漢書之例道光壬寅癸卯揚州刻舊唐書除分校寫樣刻樣延請四人外另延四人分纂校勘記每人分任數十卷目錄內臚列姓名今輯漢書校勘記成例可循所當分校以專責成

同人彼此覆校意見合者可以互相證明即意見不合者無妨並存其說於校

勘記中以待賢者決擇

一 漢書字句古奧較之舊唐書難讀不啻倍蓰雖錢警石先生裒校各本俾閱者事半功倍然編次漢書校勘

記須檢漢以來之書較之舊唐書校勘記僅檢唐以來書者仍覺其難加以前此刻舊唐書係照 殿本寫樣

今刻漢書欲兼採各本擇善而從去取權衡尤宜慎重

所當緩校俾得從容

舊唐書專據一本故可正書先刻校勘記後成漢書不專據一本故

須校勘記先成正書後刻

一漢書百卷毓崧擬分任紀十二卷表八卷其二十卷

其中年月日時干支端緒甚多推求不易然鄙性所近

不厭其煩需查各書擬就所有者先校餘俟陸續借觀

期以明年冬末後年春初將校勘記稿本次第編就然

後核定正文付刊綆短汲深智小謀大必須細校庶少

悔尤刻書譬諸辦案照本不易者如巡城問供錄送到部其責任較輕增刪改移者如巡方鞠獄高下在心其責

任綦重

漢昭烈帝廟號顯祖考上篇

漢昭烈帝之廟號三國志先主傳中未載今以他書參互考訂證以蜀志卻正傳中所載之文然後知昭烈爲漢三祖之一其廟號蓋以顯祖爲稱也晉書劉元海載記云立漢高祖以下三祖五宗神主而祭之太平御覽

卷一百一十九引崔鴻十六國春秋與載記畧同無漢高祖以下五字宗下

有之字冊府元龜卷二百二十四僭僞部奉先門亦與載記全餘同

同蓋十六國春秋卽晉書所本而冊府元龜又本於晉

書耳此漢有三祖之證矣通鑑云

卷八十五

劉淵於是即漢

王位

御覽引十六國春秋云劉淵字元海晉書劉元海載記云名犯高祖廟諱故稱其字焉

作漢

三祖五宗神主而祭之胡注云淵以漢高祖世祖昭烈

為三祖太宗世宗中宗顯宗肅宗為五宗今考晉書載

記元海僭即王位時所下之令歷舉漢三祖五宗之謚

號與胡氏所述正同

元海令云昔我太祖高皇帝以神武應期廊開大業太宗孝文皇帝

重以明德升平漢道世宗孝武皇帝拓土攘夷地過唐

日中宗孝宣皇帝搜揚俊乂多士盈朝而元成多僻哀

平短祚賊臣王莽滔天篡逆我世祖光武皇帝誕資聖

武恢復鴻基顯宗孝明皇帝肅宗孝章皇帝累葉重暉

炎光再闡自和安已後國統頻絕曹操父子凶逆相尋

故孝愍委棄萬國昭烈播越岷蜀冀否終有泰旋軫舊

京此昭烈帝列於三祖之證矣蜀志卻正傳載正仕後

主時所撰釋譏

正傳云與宦人黃皓比屋周旋經三十年皓從微至貴操弄威權正既不爲皓

所愛亦不爲皓所憎是以官不過六百石而免於憂患依則先儒假文見意號曰釋譏今按黃皓弄權係後主末年之事則正之釋譏亦必撰於是時

其辭有云今天綱已綴德樹西鄰

丕顯祖之宏規糜好爵於士人以上下文語意核之所

謂天綱既指蜀漢之統緒而言所謂西鄰又指益州之

疆域而言則所謂顯祖當指昭烈之廟號而言

正傳載釋譏之

辭曰自我大漢應天順民君臣履度各守厥貞然而道有隆窳物有興廢沖質不永桓靈墜敗故縱橫者歟披其胸狙詐者暫吐其舌也今天綱已綴云云蓋初言先漢親君子而興次言後漢親小人而衰終言昭烈奮起於蜀復用君此昭烈帝顯祖廟號之證矣夫顯祖與顯

考不同顯考爲高祖係家國之通稱

禮記祭法云是故王立七廟曰考廟

曰王考廟曰皇考廟曰顯考廟曰祖考廟皆月祭之諸侯立五廟顯考廟祖考廟享嘗乃止大夫立三廟顯考祖考無廟正義云曰顯考廟者高祖也今按王及諸侯大夫皆得稱顯考其為上下通用之詞明矣自漢魏以後大抵稱父為顯考而不稱高祖為顯考與禮記不同蓋以康誥云惟乃丕顯考文王武王與康叔言稱其父文王為顯考後人沿襲遂顯祖為廟號惟人君乃得用亦為上下通用之詞耳

是故晉國稱唐叔為顯祖

書文侯之命云汝克昭乃顯祖某氏傳云言汝能明汝顯

祖唐叔之道正義云以晉之上世有功名者惟有唐叔耳故知明汝顯祖唐叔之道今按唐叔始封於晉為晉國之祖其廟不毀故韋國稱豕韋為顯祖

漢書韋元成傳云作詩自

劾責曰赫矣我祖侯于豕韋賜命建伯有殷曰綏德之

令顯慶流于裔宗周至漢羣后歷世又云元成復作詩

因曰戒示子孫曰於戲後人惟肅惟栗無忝顯祖以藩

漢室今按合二詩文義考之所謂顯祖即指始封於豕

韋之君蓋本不毀之前漢之楚國稱元王為顯祖

廟故得有廟號也

傳云其先章孟為楚元王傳傳子夷王及孫王戊戌荒
淫不遵道孟作詩諷諫其諫詩曰兢兢元王恭儉淨壹
惠此黎民納彼輔弼如何我王曾不是察嫚彼顯祖輕
茲削黜今按史記孝文紀云有司皆固請曰高帝為帝
者太祖諸侯王及列侯始受國者皆亦為其國祖據此
則諸侯各祖其始封之君漢時尚沿古制元王始封於
楚乃不毀之祖廟故有顯祖之稱也此諸侯之廟號也其時代皆在昭烈

以前後魏稱獻文帝為顯祖

魏書顯祖紀云上尊諡曰獻文皇帝廟號顯祖

北

齊稱文宣帝為顯祖

北齊書文宣帝紀云廟號顯祖

五代之後漢稱章

聖帝為顯祖

舊五代史後漢高祖紀云皇考諱

此天子

之廟號也其時代皆在昭烈以後據十一家諡法云行

見中外曰顯受祿于天曰顯百辟惟刑曰顯

見通鑑卷二胡注所

引胡氏云周公蓋未有此諡而周之末世諡
顯王曰顯意謂後世傳寫周王諡法者遺之

則顯字乃

最美之鴻名天子諡號用顯字者周有顯王

史記周本紀云弟扁

立是為

明有顯帝

明史神宗紀云範天合道哲肅敦

天

子廟號用顯字者顯宗始於漢明

晉書成帝紀云廟號顯宗在漢明帝之後

顯祖始於昭烈明帝在昭烈以前明帝稱顯宗而昭烈

復得稱顯祖者猶之武帝在光武之前武帝稱世宗而

光武亦得稱世祖耳昭烈以前止稱二祖而昭烈以後

改稱三祖者猶之章帝以前止稱四宗

後漢書章帝紀云元和二年二

月癸酉告祠二祖四宗

章懷注云二祖謂高祖世祖四

宗謂文帝為太宗武帝為世宗宣帝為中宗明帝為顯

宗丁鴻傳章懷注云元和二年車駕東巡狩鴻以少府

從上奏曰二祖四宗咸有告祀班固傳云及肅宗雅好

文章固又作典引篇其辭曰然後宣二祖之重光襲四

宗之緝熙文選載班氏此篇李善引蔡邕注云高祖光

武爲二祖孝文曰太宗孝武曰世宗孝宣曰章帝以後

改稱五宗耳

後漢書楊賜傳云賜復上疏曰陛下不顧二祖之勤止追慕五宗之美蹤章懷注云

高祖光武也文帝太宗武帝世宗宣帝中宗明帝顯宗章帝肅宗也獻帝紀云初平元年有司奏和安順桓四帝無功德不宜稱宗制曰可章懷注云和帝號穆宗安帝號恭宗順帝號敬宗桓帝號威宗今按以賜傳上文考之此疏上於靈帝熹平五年在初平元年之前十四年是時和安順桓四帝未去宗號然朝野之公論皆謂繼明帝之後可以稱宗者惟有章帝故賜疏止言五宗不言九宗也又考安帝紀云延光三年二月癸巳告祀二祖六宗今按安帝爲和帝嗣子和帝稱穆宗故改五爲六耳章懷不數和帝而數元帝其說甚誤漢書元后傳云初莽爲安漢公時奏尊元帝爲高宗續漢書祭祀志云以元帝於光武爲穆故雖非宗不毀也據此則元帝之稱高宗起於王莽中興後卽去其號六宗內不得有元帝也劉昭注續漢志引蔡邕議云古人據正重順不敢私其君舊唐書禮儀志五引顏真卿議云是知祖有功宗有德存至公之義非其人不居明乎此義則知

五宗爲是而六觀於晉書載記但言追尊後主加諡號

宗九宗爲非矣

載記云追尊劉禪爲孝懷皇帝御覽同冊府劉禪作蜀後主

爲孝懷

烈加廟號爲顯祖則昭烈之廟號定於蜀漢之世非定

於北漢之世可知元海令文先言羣公所推紹修三祖

次言社稷無主勉從羣議

元海令云何圖天未悔禍後主窘辱自社稷淪喪宗廟之

不血食四十年于茲矣孤今猥爲羣公所推紹修三祖之業顧茲阨戰惶靡厝但以大恥未雪社稷無主銜胆棲冰勉從羣議則三祖之名號起於蜀漢之世非起於北漢

之世可知且以廟諡通義言之古者立廟之制祖有功

而宗有德始受命而有天下者後世必奉之爲祖以報

其創業之功

史記孝文紀云蓋聞古者祖有功而宗有德漢書孝景紀同應劭云始取天下者爲

祖高帝稱高祖是也始治天下者為宗文帝稱太宗此是也顏師古云祖始也始受命宗尊也有德可尊

歷代所共由也前漢高帝功在撥亂實始創業其廟號

稱為太祖史記高祖紀云羣臣皆曰撥亂世反之正平定天下為漢太祖功最高上尊號曰高皇帝

孝文紀云丞相臣嘉等言臣謹議曰功莫大於高皇帝

宜為帝者太祖之廟漢書韋元成傳云迺下詔曰蓋聞

王者祖有功而宗有德高皇帝為天下誅後漢光武帝

暴除亂受命而帝功莫大焉為漢太祖功在中興等於創業其廟號稱為世祖續漢書祭祀志下云明帝即位

目光武帝撥亂中興更為起廟尊號曰世祖廟注引蔡邕表志曰孝明立世祖廟以明再受命祖有功之義

蜀漢昭烈帝功業與太祖世祖相符三國志先主傳評云先主之宏毅寬

厚知人待士蓋有高祖之風英雄之器焉諸葛亮傳云

羣下勸先主稱尊號先主未許亮說曰昔吳漢耿弇初

勸世祖即帝位世祖辭讓耿純進言世祖感純言深至

遂然諾之今曹氏篡漢大王紹世而起今即帝位乃其